

卷十二



書名 庾開府集十二卷 明新安汪氏刊本
 撰者 北周 庾信 撰，明 汪士賢 校
 卷 卷十二
 內容分類 集-別集-漢魏六朝-北周
 索書號 仁井田-集-N4002
 編號 D7114600

庾開府集卷第一

周 新野庾 信著
 明 新安汪士賢校

賦
 三月三日華林園馬射賦 并序

臣聞堯以仲春之月刻玉而遊河舜以甲子之朝披
 圖巡夏后瑤臺之上或御二龍周王玄圃之前
 猶參心於我大周之創業也南正司天北正司地平
 定三危之罪雲紀御官鳥司從職皇王有

彩色首頁

[東洋文化研究所漢籍目錄 編號: D7114600](#)

[東洋文化研究所漢籍目錄所藏漢籍善本全文影像資料庫 索書號: 仁井田-集-N4002](#)

[漢籍善本全文影像資料庫文本 庾開府集十二卷 明新安汪氏刊本](#)

版權所有: 東京大學 東洋文化研究所

[使用上的注意事項](#)

庚開府集卷第十二



周 新野庾 信著
明 新安汪士賢校

誌銘

周譙國公夫人步陸孤氏墓誌銘

夫人諱字本姓陸吳郡人也天子拓境百越來庭丞
相勒兵三江席卷高祖載為劉義真長史留鎮關中
既沒赫連因即仕魏臨終誠其子孫曰樂操土風不
忘本也言念爾祖無違此心祖政驃騎大將軍儀同

三司恒州刺史父通柱國大將軍大司馬文安公
贊經綸參謀揖讓名高廣武功重長平夫人七德
章四星連曜敬愛天情言容禮典九日登高作銘
秋菊三元告始或誦春椒年十有四娉于譙國友
其琴瑟愈恭節儉之心伐其條枚實秉憂勤之德
鄴地登高之錦自濯江波平陽採桑之津躬勞蠶
月天和元年冊拜譙國夫人東武亭之妻旣稱有
秩南城侯之婦還聞受封柱國殿下以名華分照
增城峻土揚旌棘道問政印都白狼之溪途艱黃
牛之板荔枝之山地險葡萄之國夫人別離親戚
關河重阻夷歌一曲未足消憂猿鳴三聲沾衣無
已一作有感是以天厲之疾遂成沉痾玉瀝難開
金膏實遠建德元年七月九日薨于成都私第春秋
二十有一即以其年十一月二十二日歸葬長安之
北原詔贈譙國夫人禮也殿下傷神秋月掩淚長
松周季直之留書更深冥漠潘安仁之詞藻徒增
哀怨豈言西河女子獨見銀臺東海婦人先逢金
闕銘曰

芟疑陵反旆椒山止戈金精據嶺昌閣凌波西遊
卿

相東裂山河華亭冠冕穀水絃歌震維徙族燕垂從
官塞入飛狐關連鳴鴈策預登阜功參臨澗寶鼎留
銘彫戈餘贄應圖淑今秉禮言歸魚軒馮軾澤雉文
衣明月照鏡仙石支機行雲細起迴雪輕飛北降帝
子南麾蜀守若水既開靈山已鏤月峽猿啼江神牛
鬪星機北轉日轡西迴陽泉伏氣陰律沉灰鶴辭吳
市鳳去秦臺神光離合燈影徘徊雙流反壑百兩迴
旌少女離位夫人去城帷堂野設帳殿郊營山川奇
事風月無情搖落丘隴荒涼封域樹樹秋聲山山寒

色草短逾

一作愈

平松長轉直節墳方固園陵永植

周趙國公夫人紇豆陵氏墓誌銘

夫人諱含生本姓竇扶風平陵人魏其朝議列侯則
莫能抗禮安豐奉圖功臣則咸推上席外戚列傳旣
聞建武之書仲山古鼎或表單于之獻祖畧少保建
昌郡公父織柱國大將軍太宗伯鄧國公孟津大誓
常預同德之臣咸陽違約克贄先登之主並得位入
六府功叅八柄夫人有文在手有象應圖榮曜夙彰
徽華早茂肅恭以禮受教於公宮言容以德有聞於

師氏及乎進賢君子內主耶鄲琴瑟在堂輜軒是服
長久於節不無秋菊之銘履端於始或有椒花之頌
豈止莊姬掩淚一作楚相知慙定姜問兆齊兵不入
武城二年冊拜趙國公夫人漢王聞立義之婦邑以
延鄉齊侯見有禮之妻封之石窳異代同榮差無慙
德柱國殿下居若木之一枝在天漢之別派揚旌玉
壘驅傳銅陵南通向日之民東被無龍之國夫人從
政月峽贊德雲門錦濯江波還臨織室山明石鏡即
對粧樓既而玉律頻移金爐不變胡香四兩嗟西域

之使稀靈草一枝

一作株

恨瓊田之路絕天和五年四

月二十二日薨于成都之錦城春秋二十孫子荆之

傷逝怨起秋風潘安仁之悼亡悲深長簟况復仙臺

未別無復蕭聲傳母長歸唯留琴曲七年二月日歸

塋於長安之洪瀆原詔贈趙國夫人禮也雲南去來

既留連於楚后光陰離合實惆悵於陳王銘曰

河西斗絕觀津孤起章武賢臣安豐賢仕木樓千仞

金山萬里紹慶邢姨基昌宋子施衿趙北侍母秦南

絃綆禮數厭狄駢駮義超江汜仁流葛潭玉筐迎鸚

金龍助贊敬愛純深端莊淑問有光國史無形喜愠
 舉案外恭停機下訓馨馥於蘭年華於薜風雨消散
 神靈離絕婺女還星姮娥歸月左楹夕奠高堂朝發
 空揚凌波更無迴雪下平日隰高平日原西臨水井
 北望塞門猶垂雉服尚駕魚軒平原忽矣天道何言
 山迴地市路沒滕城松悲鶴去草亂螢生新雲別起
 舊月孤明賢墳永式節隴常貞

周安昌公夫人鄭氏墓誌銘

夫人諱某滎陽武人也周宣王之母弟俾侯于鄭

鄭莊公之重世卿士於周以國為族自茲而始祖瓊

太常恭侯父穆司空貞公西京賦詩奉常叅伯梁之

宴東都言讖司空為武衛一作玄武後漢王梁傳赤

玄水神名司空之官籍連帝譜既同盤石門稱通德無

廢儒林夫人禮義閨門端莊令淑采采芣芣萋萋葛

覃及乎作配君子言事舅姑下氣怡聲承巾奉帚親

戚惟禮閨闈以睦保定二年冊拜滎陽郡君序戚升

榮從夫有秩豈惟立義一作德之婦邑以延鄉有禮之

妻封之石窀大將軍沉犀二江夫人聞猿三峽明月

靈關之阻秋風蜀道之難掩以瑤華先從春露天和
十八年五月二十日薨于成都春秋三十六年詔贈
安昌國夫人禮也即以其年十一月十六日歸葬于
咸陽之白起原遂使山迴反壤先封節婦之陵日人
虞淵實掩賢姬之墓嗚呼哀哉乃爲銘曰

天河開國分畿置政地有十城人居九命疇昔之邑
今茲成姓識履傳風叅輿留慶三星在戶百兩言歸
虔恭內政榮曜中闈承姑奉盟訓子停機桑園蚕績
綿室鸞飛珩璜節步藻火文衣巴水幽咽猿鳴斷絕
月落珠傷春枯桂折趙琴長辭秦簫永別貞姬掩隧
節女封墳洛濱無月荆臺失雲鳥悲傷聽松聲愴聞
千年遂古百代餘芬

周大將軍隴東郡公侯莫陳君夫人竇氏墓

誌銘

夫人諱某扶風平陵人也章武開國名高外戚之右
安豐入朝位在功臣之上祖以孝昌之始主諾淮陽
父以正光之初褰帷海岱夫人生於禮義之門宗於
箴誠之德虔恭惟禮今淑惟儀及乎百兩言歸三星

在戶箴盟禮記作骨始事條枚是則有子從政猶無逸豫

之心有夫出征自識山陵之兆大統十六年冊授未

安郡君婦以夫尊親由子貴朝章家慶一作成家之慶燕而

有之保定二年改授隴國夫人車服禮數往禰典則

有美河魴足光彤史既而風霜所及一作厲灰琯遂侵

與善何言至于大漸天和六年四月七日薨春秋六

十有六即以其年十月十日遷葬於咸陽萬年石安作

伏既符白鶴之祥地勢風烟乃合青鳥之氣銘曰

觀津世族平陵豪姓四侯登仕三君從政白狼建功

丹蛇襲慶漢之廣矣先聞淑令君子朝端賢才家政

簪珥以禮軒車以命讓果成廉推珠止競百年超忽

千金莫恃室謝賢夫庭辭貴子歸輦輟露采繫廢祀

室委眠蠶衣留畫一作元衣苗雉非雲垂下澤日掩高春

空帷舊館虛幕新封山迴廣柳路沒深松游魂幾變

大人何從

周冠軍公夫人烏石蘭氏墓誌銘

夫人諱某樂陵人也晉司徒樂陵公苞後子孫就封

唐書地理志咸陽無石安縣而此卷元氏誌文云咸陽若安原縣之杜原山形起

因即家焉扶風舊城猶存鐵市河南故墅尚餘金谷
或寓燕陲仍仕代郡祖行代郡尹父魏司空蘭陵郡
公司空佐命魏朝少傅承疑周室並為大族俱蒙賜
姓秦晉匹也是曰通家夫人年十七歸于宇文氏淑
令端莊含章貞吉箴禮記作管惟儀閨闈已正某年除
金郡君某年改授冠軍國夫人四德小君宜其家室
三事內主翻辭贊務以保定五年四月遘疾薨時年
四十有四即以其年某月日歸塋於京兆之其原人
世風煙山川超忽陵波青麥儻逢貞女之墳隴首白

楊或表賢姬之墓乃為銘曰

三星麗天五岳鎮地禮有其秩人居其位燕趙多奇
山川雄氣挺茲令淑惟此含章王生庭照蘭開室香
邢媿裝服宋子何魴百兩言歸九儀從聘榆狄七彩
軒車六命鼎室辭親槐廷替政世為閩水人成大夢
迴帳山門移燈泉洞金棗長含銀蠶永送香填栢榔
路閉松城悲鸞獨影雄劍孤鳴留連趙琴悽愴秦笙

周太傅鄭國公夫人鄭氏墓誌銘

夫人諱某榮陽開封縣遠里人也七子賦詩足光賓

客三卿從政實靜諸侯驂乘則晉后停輿來朝則漢
 君識履華胃蟬聯無虛史籍祖郡秦州別駕父茂伯
 撫軍將軍涼州刺史伯陽縣侯夫人令淑早聞芝蘭
 獨茂既容既德言告言歸悌實溫清恭惟歲盟禮記作晉
 太傅弼諧周室股肱攸奇夫人輔佐君子勤勞是司
 琴瑟既友條枚無伐故得用之邦國成之孝敬某年
 月日封鄭國夫人榆狄既加絃綆是務夫人疑有安
 世之貴躬服浣濯子有文伯之尊無忘機杼表裏惟
 安聞關且止醫門有疾藥對無徵天和三年三月二

十日薨葬于長安之石安原世子某兄弟並勗慈訓
 咸遵母儀霜露深悲寒泉增慟銘曰

居德圃田當官教府置騎賓來開醫學聚福履家室
 賢才踵武棠棣之華螽斯之羽人倫七德風化二南

采采芣苢萋萋葛覃節行聲玉副加一作玳簪一作副玳

珍柳園秉杼桑津浴蠶春秋超忽零落無一作非時家

亡淑女國喪賢姬香墳永送舞鶴長辭山深月闇風
 急松悲千年開閉將驗靈龜

後魏驃騎將軍荊州刺史賀拔夫人元氏墓

誌銘

在河之洲聞君子之配德言采其蕝一作薄言采蕝見夫人

之有禮用之風化人倫厚焉夫人諱安字大羅河南

洛陽人也祖某京兆康或改作非王父昭驃騎大將軍

開府儀同三司錄尚書司州牧汝陽郡王跼萼雄圖

堦基霸迹公卿之室將相維國維家夫人能脩法度

無思犯禮恭儉節用 進賢大統五年封樂安公

主歸于賀拔氏時年十三 事憂勤化成婦德彤管

載暉棠棣早茂及乎謳歌有歸榆狄降等輔佐君子

猶安其室周天和元年乃封章武郡君霜露不居風

煙飄忽遘疾累旬奄捐館舍以周天和四年二月二

十六日薨于長安萬年里春秋五十有二詔贈頓正

國夫人禮也即以其年三月二十日歸葬于咸陽之

石安原既異乘鸞翻然未去雖非舞鶴即掩泉門欲

誌佳城乃為銘曰

逝矣雄謀悠哉霸轍九服潛運三川中竭卿相連鑣

賢才舞疑絕琬琰今淑施衿結摛方之棠棣譬以螽

斯既全婦德還稱母儀遊疑作逝水滔滔危途冉冉問

藥無對蒸丹不驗狄服空陳絃機虛掩郭門路轉哀
挽途窮隴深結霧松高聚風春蘭秋菊唯始唯終

周大都督陽林伯長孫瑕夫人羅氏墓誌銘

夫人諱某恒州代郡太平縣人祖某父協周大將軍
南陽郡公夫人資於事親躬奉訓誡教於宗室足聞
詩禮及乎言歸肅恭如事蘋藻維敬絃紼是勤內位
克諧中閨以睦年齡不競霜露先侵更延無壽疑之
杯遂闕長生之枕以周天和四年二月八日薨於長
安之洪固鄉時年二十有三其年某月日葬於萬年

縣之壽里山非宋國翻爲節女之陵地異荆臺遂有
賢妃之墓銘曰

畢狼建國靈武開都地接天柱山臨寶符人資義烈
世雄圖葛覃維萋棠棣早盛旣安淑德爰從配命
四教弘宣三星克正霜凋桂苑風落芝田三從闕性
五福傷年歸安永絕言告長捐悽切郊野紆迴隰原
風慘雲愁松悲露泣朗月空嗟傷神何及

周儀同松滋公拓跋競夫人尉遲氏墓誌銘

夫人諱某河南洛陽人也祖父太師柱國公魏室喪

亂經綸夷阻周朝建國臣翊揖讓圖謀帝系即有內
外之親分裂山河仍為舅甥之國夫人容範端莊儀
形淑令六義觀德南風有夫人之詩八卦成形東方
有少女之位外傳習言公宮教業箴盟禮記線纒佩
帨蒞蘭年十有二出適儀同拓跋競衣且翟服既得
宗婦之儀乘其魚軒還從列國之禮標梅三實無訛
其時天桃九華能脩其政某年某月冊拜廻落縣君
母金明公主魏文帝長女春則帝女採桑秋則王姬
築館夫人出入主家遨遊戚里濯龍園苑苑長門宮殿

既而膏腴美疚

一作疾

華茂傷年沉痾牀帳蒸離寒暑

三世之術無乏

一作追

於醫門百草之本途

疑窮於藥

性建德三年五月七日亡春秋三十昔西河女子值
九節之菖蒲東海婦人得三山之芝草無由再遇悲
矣如何即以其年十一月十五日塋於京兆之北陵
原龜筮告辰丘陵啓奠西臨織女之廟南望湘妃之
墳嗚呼哀哉乃為銘曰

父曰帝師母曰王姬車服不繫江漢無思是生今淑
觀禮教詩聲超宋子德茂邢姨繼世盛德思賢克舉

奠鴈迎門儒一作儒是蘋實俎奉盥如事移茵即序春水

浴蠶秋襪秉帝鄉近親帝城近臣濯龍親戚平陽

主人金波迴月玉樹臨春弄玉鳳凰昌容紫草自此

千年無人得道舜華榮曜飄零何早渭水北原平陵

故園纔通谷口即望寒門吁嗟此地去矣歸魂孟冬

十月長松九年親賓掩淚悽愴何言

周驃騎大將軍開府儀同三司冠軍伯柴烈

李夫人墓誌銘

夫人諱某隴西狄道人也周有柱史夫子以之猶一作

見龍漢有將軍宛城以之輸馬復有西入上書仍為

秦國之相東向開計即是韓王之師父宜使持節大

將軍南北二華州刺史順陽郡公魏武皇帝之長舅

也穰侯魏冉居咸陽之宮曲陽王根借明光之殿語

其貴戚差足擬倫論其退謙彼多慚德夫人幼而聰

敏早聞令淑彤一作箴管有美賢才見稱弄其紙筆懼

失諸兄之意剪其齧齡二字疑畏傷王母之心年十有

一出適騎騎大將軍開府儀同柴烈烈以上將頒朔

一作領胡中台受任軍國忠勤規模繁總夫人輔佐君子

言容匡贊增耀三星欽明四德授巾沃盥有謹於事
姑斷織停機無忘於訓子保定二年冊授大夏縣君
既以夫尊又云子貴乃遷順陽改郡君夫人之邑或
用鄉名小君之號多從夫秩典冊光臨足稱榮寵本
有風氣之疾類年增動畧多枕臥飛龜之散遣疾無
徵畫龍之符留年不驗以今建德四年三月日薨于
館舍春秋四十九即以其年八月日塋於長安之洪
瀆原神光離合尚在河湄雲氣徘徊猶歸樓下嗚呼
哀哉乃爲銘曰

上書秦相立功漢將隴水分流秦川遙望秋陸俗勇

金行地壯廣武軍中安平河上妻者齊也謂嫁曰歸

三星夜照百兩朝飛榆狄有典容禮無違台庭等秩

一作侯秩 服同衣子奉母儀夫聞家政七族承和

九閨連慶紛悅恭肅溫清孝敬杼秉秋成蠶隨春令

年華未落電影先過徒食日氣空飲天河星凋玉井

月捐金波虞淵落日薤露哀歌寂寞虛奠荒涼象設

幽隴龜封重泉蟻結秋色悽愴松聲斷絕百年何幾

歸於此別

彭城公夫人爾朱氏墓誌銘

夫人爾朱氏河南洛陽人也若夫陰山表裏衝北斗
 之機衡瀚海彌綸直西街之畢昴四時銜火燭龍開
 照地之光六月搏風大鵬運垂天之翼由是奄有京
 縣遂荒中土車書禮樂三王之損益可知將相公侯
 百代之山河不殞祖敞隋儀同三司金紫光祿大夫
 岐同金申信臨徐七州總管兵部尚書金邊集作
 城郡開國公天列尚書之星地標光祿之塞出身萬
 里知呂岱之元勳專命一方識劉弘之重寄公休寂

隋左千牛備身朝散大夫齊王府司馬襲封爵金邊集作

邊城公大夫稱代諸侯胙土淮仙致雨仍攀桂樹之

山楚客臨風更入芙蓉之末夫人玉臺貞氣金河仙

集作液蔡中郎之女子早聽色絲謝太傅之閨門先

揚則彭城公發源殷伯承家漢相山川氣候彰白

武於臯繇象緯休徵下蒼龍於曼倩三星照夜佇稽

鳴鴈之期七日秉秋坐薦飛皇之兆夫人年甫十八

遂歸於我巫山南眺逢暮雨於瑤姬華嶽西臨降明

星於玉女動合詩禮言成軌則晨昏展敬事極於移

天蘋藻挈誠義申於中饋女郎砧石響明月而思衣

風織婦集作女機牀聽寒蛩而催絡緯用曹大家之明

訓執宋伯姬之貞節如以心依八覺理會三空遊智

刃於檀林泛仙舟於法海幾神獨照默言象而無施

空有蕪忘束筌蹄而不用人生天地壽非金石銀臺

竊藥想奔月而何年金殿一作王金煎香思反魂而

無日以某年月日終于平康集作原里之私第越上元

三年十月二十日合塋于城南之畢原禮也齊侯寤

側杜氏階前對文王之畢原用周公之合塋偃松

古長無寡鶴之悲文梓百尋還見雙鴛之集其銘曰

合塋非古周公所存死生千載棺槨雙魂野曠風急

天寒日昏煙霾香嶂霧失遙村紀黃絹之碑表對青

松之墓門

伯母東平郡夫人李氏墓誌銘

夫人姓李氏隴西狄道人也自涼武昭王以後一門

三公為四海著族國史家謀詳之矣祖克頴後周大

將軍涇州刺史流江郡公考玄明皇朝上儀同 濟

三州刺史成紀縣男出入三朝剖符分竹秦隴河濟

之地人到于今稱之天下士大夫知與不知莫不想望其風采夫人生而純深幼而恭敬長而敦睦成而和惠年及初笄甫歸於我執箕箒奉舅姑人不間於其娣姒妾媵之言閨門之內穆如也故宗黨推其今問鄉閭以爲美談東平公守清白之基逢太平之日辟命交至聲聞於天制集作詔徵尚書郎遷御史中丞出爲棣曹恒常四州刺史夫人輔佐君子聿修內政平且纒笄則有君臣之嚴沃盥饋食則有父子之敬報及而行則有兄弟之道受期必誠則有朋友之信

其婦德也如此歷職中外聲名籍甚和其琴瑟正其邦家者夫人與有力焉蓋常喟然而言曰古者卿之內子爲大帶命婦成祭服社而獻功可不勗哉可不勗哉由是服澣濯之衣躬紡績之事筐筥錡釜之器所以執其勞蘋蘩蕝藻之菜所以明其德非夫博文達禮貞婉聽從者孰能與於此乎及公乞骸告老退歸初服夫人年踰耳順視聽不衰每獻歲發春日南長至群從子弟稱觴上壽者動至數十百集無此字未嘗不勸一作歡言善誘借以溫顏侃侃焉閭閻焉有孟母

之風焉有敬姜之誨焉維永淳元年秋八月旁死魄
 寢疾彌留終於華陰之望仙里享年八十有一冬十
 一月一日景辰遷窆於永豐鄉之平原從先兆也東
 平公撫存懷舊用痛悼于厥心遠近咸集宗親畢會
 生榮死哀其此之謂矣是日也皇太子監守長安烟
 忝為詹事司直不獲就展集作喪次陪奉靈輜敢薦
 李顯之文庶同潘岳之誄嗚呼哀哉乃為銘曰

高岳之上浮雲翔兮函谷之外真氣揚兮建功比狄

討卷兮受封南鄭家素昌兮於赫祖考為龍光兮

牧州典郡佩銀黃兮降生淑質秉禎祥兮茂

蘭蕙芳兮我有懿德如珪璋兮朶之上筮鳴鳳凰兮

君子至止玉環鏘兮室家好合琴瑟張兮執其麻枲

供衣裳兮羞其饋食澄酒漿兮諸姑伯姊穆溫良兮

媵姒叔妹歡未央兮公之出門牧守四方兮夫人之

化德洋洋兮公之告老返維桑兮閨門之內道彰

兮正月上日南至長兮子孫歡慶各稱觴兮宋公集

云孟母魯季姜兮匪怒伊教由舊章兮方期高舉登

紫房兮誰謂不宜集作冥默掩玄堂兮肅肅松檟鬱成行

百一

兮沉沉厚夕集作終不勝兮

傳

周使持節大將軍廣化郡開國公丘乃敦崇

傳

崇恒州代郡鼓城縣廣義鄉孝讓里人也昔壽丘建國賜姓者十二人平陽舉賢登朝者十六族况復大電繞樞流星入昂派分源別幹其嗣興者乎魏道武皇帝以命世雄圖飲馬河洛兄弟十人分爲十姓辨風吹律丘氏即其一焉五代祖邈驃騎大將軍開府

儀同三司營丘郡開國公于時天道西北既稟謀

馬首東南實資匡贊因以封名仍爲賜氏與夫南公

伯即有連類宗則疑樂正非無準則曾祖雙軌使持

節驃騎大將軍司徒青兗二州刺史范陽文昭公洛

食之始上馬治國登庸之初昇槐論道生則絕席武

宮死則配祠清室夫人太原王氏三世爲將四代爲

公社稷大宗鍾鼎貴族伉儷是歸秦晉足也祖提使

持節衛將軍駙馬都督河交二州刺史靈壽縣開國

公公子公孫聲名籍甚增輝增耀弱冠昇朝夫人清

廉郡長公主孝文帝之第二女也王姬有行車服不
繫故得衛青上將張耳賢夫父願使持節大都督徐
州諸軍事徐州刺史平陽縣開國公食邑四千戶少
年習象多見兵書澆沙聚石之營却日橫雲之陣孿
弧則戟破小支抽劍則泉飛枯井夫人字文氏周文
皇帝之第三妹也母儀令範女師賢哲德高隆慮義
重河陽魏受其終周新其命式墓封墳追旌盛德乃
贈使持節大將軍廣化郡開國公食邑一千戶夫人
贈安德郡長公主遊魂寃結非無廣漢之城久客思
歸唯有東平之樹自永安以來魏室大壤海水群飛
天星亂動禮樂征伐不出於人主舉賢誅暴議在於
強臣高丞相驅率風雲奄荒齊晉我舅氏文皇帝駕
馭龍虎據有周秦南北渝盟東西敵怨旣而各受圖
書並當珪璧百姓則父南子北凡東第西事主則憂
親朶生則慮禍大周親戚徧鍾茶炭輸之城旦下之
織室關河巖隔三十餘年天厭喪亂人思反德彼之
風塵旣靜函谷此之冠蓋屢涉漳濱中山寃枉之餘
代郡凋殘之澤並遇革音咸蒙禮送崇賓凡第二人

相看氣息親愛凋零方寸久亂恒山殺翮豈望同飛而安國徒中鬱爲卿相班超絕域遂得生還天和四年至於新邑朝廷以舅甥之國外內之親乃授賓使持節驃騎大將軍開府儀同三司大都督安樂縣開國公食邑一千戶賓得免虎口仍上龍門聲價已高風焱即遠方欲討論國耻申雪家冤橫尸原野是所甘心時不我與先從朝露春秋若干衛國興文子之勸長安有詔塋之悲乃贈本官加少傅蒲虞勲三州諸軍事蒲州刺史以天和六年某月日塋於長安之洪瀆原妻青州石氏長城郡君胤子孤筦生妻娶室卽能有節還成守義崇蒙授使持節大都督驃騎大將軍開府儀同三司廣化縣開國公食邑一千戶昆季二人同年上將彤廷交映榮戟相臨昔二馮同德繼踵當官兩杜齊名夾河爲郡比斯榮寵彼將慙色俄然賓疾奄捐館 皇宗兄弟勝衣備罹禍酷同氣長養得及全人今者來歸更連凶閔每一悲慟行路傷心撫養愛子情深馬援之慈恭事寡嫂義甚顏令之孝天和六年授大將軍餘如故龍庭賞出塞之功王

門勞旋師之寵異代同和見之今日建德二年授使
持節都督宜州諸軍事宜州刺史忽忽橫閭但有誦
書曖曖重帷惟聞善政清不置水用非舉燭乃是入
境移風非直停車待雨有勅大將軍宜州刺史廣化
郡公崇自夏季無雨以迄于今雖靡神不禱仍未降
感知彼州內獨蒙滂澤諒由大將軍精誠所至憂念
郡人豐稔可希良以爲慰又勅廣化公崇知此存心
政術治勤黎人受委稱職嘉尚無已古人有言非行
之難念加勉勗以致盡善善指今宣納抑操賜齊陳物
如別宜諭朕懷昔陽平太守別降紅泉之恩荊州刺
史偏蒙衮衣之賜治績尤異此之謂乎崇清靜爲政
廉明爲法人不忍背吏不忍欺性不飲酒無所嗜欲
深沉精仍喜愠不形文必正詞絃惟雅曲仁義禮節
是所用心緹袂緗素愛翫無已當今四郊多壘尚有
公卿之辱

行死

息猶勞將帥之謀語其讐耻唯願
國不羞身高原野但今天假之年
時綏之福忠貞之事公其取焉
書梗槩陳之直史

庚開府集卷第十二終





